



Broj/Broj: **03/1-50-14-7-10/12**  
Sarajevo/Sarajevo, 15. 2. 2012. godine

**PREDMET:** Informacija o radnoj posjeti Glavnom uredu Službe za poslove sa strancima

Članovi Zajedničke komisije za odbranu i sigurnost BiH (ZK) posjetili su, 6.12.2011., Glavni ured Službe za poslove sa strancima u Sarajevu. U delegaciji su bili članovi i osoblje Ureda sekretara Zajedničke komisije: Dušanka Majkić, predsjedavajuća, Borjana Krišto, prva zamjenica predsjedavajuće, Beriz Belkić i Mehmed Bradarić, članovi ZK, Željko Grubešić, stručni savjetnik, i Jovica Katić, stručni saradnik.

U Imigracionom centru gdje je održan sastanak članove ZK pozdravio je Dragan Mektić, direktor, Izet Nizam, zamjenik direktora, Miše Čavar, pomoćnik direktora, i Slobodan Ujić, upravnik Imigracionog centra.

Dragan Mektić je u uvodnom dijelu pozdravio članove ZK i zahvalio im se na posjeti i interesu za aktivnosti u Službi za poslove sa strancima.

Dušanka Majkić, predsjedavajuća ZK, je u ime ZK i u svoje lično ime, pozdravila čelne ljude Službe za poslove sa strancima i Imigracionog centra. Naglasila je ciljeve prve radne posjete članova ZK nakon konstituiranja te od direktora Mektića tražila da prezentira stanje, probleme, prijedloge rješenja kao i način na koji se mogu članovi ZK angažirati u rješavanju problema koji su bitni za još uspješniji rad Službe za poslove sa strancima.

Dragan Mektić je u svom izlaganju naglasio sljedeće:

- probleme u oblasti nezakanih migracija s posebnim osvrtom na ilegalne migrante iz afro-azijskog područja,
- probleme pri utvrđivanju identiteta ilegalnih emigranata iz afro-azijskog područja čiji je povrat izuzetno kompliciran, često dugotrajan i skup,
- tok pripreme izmjena i dopuna Zakona o kretanju i boravku stanaca i azilu s ciljem stvaranja efikasnijih mehanizama za upravljanje migracijama i uspješnu borbu protiv ilegalnih migracija. Tu izmjenu pratila bi i odgovarajuća reorganizacija Službe kroz izmjene i dopune Zakona o Službi za poslove sa strancima,
- tok revizije državljanstava naturaliziranih državljana u smislu mjera koje je Služba preduzela na identifikaciji i pronalaženju osoba kojima je u postupku revizije oduzeto

državljanstvo BiH, kao i statusu osoba kojim je oduzeto bosanskohercegovačko državljanstvo a još se nalaze na teritoriji BiH,

- značaj presude Evropskog suda za ljudska prava u Strazburu u predmetu „El Hanchi“ kada je potvrđeno da je Služba za poslove sa strancima preduzimala radnje u zakonskim okvirima,
- značaj saradnje s Graničnom policijom BiH, Obavještajno-sigurnosnom agencijom, SIPA-om, entitetskim i kantonalnim MUP-ovima kao i značaj podrške međunarodnih partnera, a prije svega Evropske komisije,
- značaj održavanja radionice u Tesliću u septembru 2011. godine kao i usvajanje zaključaka na 5. sjednici ZK koji su vrlo jasno potvrdili opredjeljenje članova ZK da se u odbrambenom i sigurnosnom sektoru unaprijedi stanje i riješe problemi, koji već duže vrijeme prate rad pojedinih agencija.

Nakon prezentacije i izlaganja direktora Mektića, članovi ZK obišli su Imigracioni centar gdje ih je upravnik Ujić upoznao sa stanjem, infrastrukturuom i problemima koji prate rad tog centra.

Tokom radnog sastanka s rukovodstvom Službe za poslove sa strancima članovi Zajedničke komisije iskazali su im punu podršku u radu kao i aktivnostima koje ona preduzima s ciljem poboljšanja ukupnog sigurnosnog ambijenta u Bosni i Hercegovini.

**PREDSJEDAVAJUĆA KOMISIJE**  
**Dušanka Majkić**

Dostavljeno:

- naslovu
- a/a